



Kom herontdek jou roeping van gestuurdheid

Die Kommissie van die Algemene Kerkvergadering het tydens 2022 se inligtings- en besprekingsgeleentheid besluit dat gemeentes van die Kerk aan drie kernvereistes behoort te voldoen om as gemeente te funksioneer.

Die eerste vereiste is die (her)ontdekking van en uitleef van die gemeente se Goddelike roeping. Die tweede vereiste is die uitleef van die vierdeling soos in die Kerk se roeping vervat en verwoord, naamlik getuienis, gemeenskap, viering en diens. Die derde vereiste is die nakoming van administratiewe en finansiële pligte en vereistes.

Met die nakoming van die derde vereiste sal die Sinodale Dienssentrum se Afdeling Finansies gemeentes behulpsaam wees.

Wat die eerste en die tweede vereiste betref, wil ons graag die aandag vestig op die hulp en begeleiding vanuit die Sentrum vir Gemeentelike Bediening (SGB).

Vanaf 28 Julie 2022 vir die daaropvolgende vyf weke bied die SGB weer die kursus vir gestuurde gemeentes aan. Hierdie gratis aanbiedings sal via Zoom geskied van 09:00 tot 11:00 op die betrokke dae. Die inhoud van die kursus sal predikante en kerkrade in plaaslike gemeentes help om groter uitdrukking aan die gemeente se gestuurde identiteit te gee. Die uitkoms is dat predikante self saam met hul gemeentes op hierdie geloofsreis van gestuurdheid sal gaan.

Die volgende temas sal aangebied word:

- Herontdekking van God se missie: 28 Julie
- Herontdekking van gestuurdheid/missionaliteit in 'n veranderende wêreld: 4 Augustus
- Herontdekking van die gestuurde/missionale aard van die gemeente: 11 Augustus
- Herontdekking van dissipelskap: 18 Augustus
- Herontdekking van gestuurde/missionale spiritualiteit: 25 Augustus
- Herontdekking van gestuurde/missionale luister in die gemeenskap: 1 September

Die temas is aan die hand van die 40-dae-beginsel uitgewerk. Hierdie beginsel het ten doel om bogenoemde inhoud deur middel van herhaling en inoefening te laat grondvat. Die beginsel is dat as jy 40 opeenvolgende dae aan een ding bestee, dit daarna vasgelê sal wees in jou denkpatrone en gedrag.

Die begroning van die gestuurdegemeentebeweging in die *missio Dei* help gemeentes om te verstaan dat God lewend en aktief in ons wêreld en gemeenskappe teenwoordig is. Dit help die gemeente om te verstaan dat God die gemeente na die toekoms uitnooi om saam met Hom medeskeppers in sy koninkryk te wees. Elke gemeente word dus geroep en gestuur om deel te neem aan die sending van God in navolging van die lewe en voorbeeld van Jesus Christus.

Onthou, elke gemeente van die NHKA behoort aan God Drie-enig, daarom behoort elke gemeente in sy getuienis, gemeenskap, viering en diens die gemeenskap en omgewing waarin hy leef, werk en speel so te bedien dat hulle God se hart voor die wêreld uitleef.

Kom ontwikkel saam met gestuurde geloofsgenote doelbewus 'n gewoonte en kultuur van diep luister na God, mekaar en die gemeenskap waarin die gemeente dien. Kom ons as gemeentes van die Kerk kom in pas met die lewende God en leer geloofsgewoontes en ritmes aan vir roepingsgetroue gemeentes.

(Kry die Zoomskakel op bladsy 4 onder *Toerusting*.)

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Lief en leed



Ds At van den Berg



Mnr Gawie Botha



Dr Gerhard Lindeque

- Emerituspredikant **ds AS (At) van den Berg** (81), lidmaat van Gemeente Pretoria-Oos, is Dinsdag 5 Julie weens kanker oorlede. Die roudiens op Vrydag 8 Julie in Pretoria-Oos sal gelei word deur ds Hannes van der Merwe. Ons innige simpatie gaan aan mev Marietjie van den Berg en hul familie.
- **Mnr Gawie Botha**, gebore op 29 Desember 1916, is op 30 Junie 2022 oorlede in die ouderdom van 105 jaar, 6 maande en 2 dae. Oom Gawie was vir 45 jaar lidmaat van Gemeente Laer Suidkus, en almal het hom liefgehad en bewonder. Oom Gawie het aanskou en oorleef: die Eerste Wêreldoorlog, die Spaanse Griep-pandemie, die Tweede Wêreldoorlog, die maanlanding, die millennium-gogga en Covid-19. Hy was die oudste oorlewende oudleerling van Afrikaanse Hoër Seunskool in Pretoria. Rus in vrede, oom Gawie.
- **Dr GC (Gerhard) Lindeque**, tans voltydse organiserende sekretaris van die Bybelgenootskap van Suid-Afrika, is aangestel as Spanleier: Streekverhoudings vir die BSA se Noordelike Streek. Dit beteken dat hy kan voortgaan om as NHKA-skakel binne die BSA-struktuur op te tree. Hy sal ook verseker dat die NHKA effektief bedien word deur die nuwe model vir kerkverhoudings.
- **Die volgende predikante verjaar tot 15 Julie, en word hartlik geluk gewens:**
 - Vrydag 8 Julie: Ds GJ (Geo) Smit (61) (Potchefstroom-Suid)
 - Sondag 10 Julie: Dr DJC (Daan) van Wyk jr (56) (Ebenhaëzer)
 - Maandag 11 Julie: Ds TL (Theuns) Botha (65) (siekte-emeritaat)
 - Dinsdag 12 Julie: Prof JA (Jimmie) Loader (77) (buiteland) en ds A (Anna-Marie) Kloppers (53) (Rustenburg Jac van Belkum)
 - Woensdag 13 Julie: Ds JHH (Jakkie) Jacobs (80) (emeritus)
 - Vrydag 15 Julie: Ds JW (Janine) Fourie (31) (beroepafwagting)

Gemeentes en bediening

- **Riglyne vir die bewaring van argiewe.** 'n Bewaringsriglyn vir fisiese sowel as elektroniese argiefmateriaal is **hier** op die Kerk se webblad beskikbaar. Hierdie riglyn het ten doel om gemeentes, ringe en sinodale komitees te help om argiefgroepe te versorg, en 'n kort handreiking te bied vir die bewaring en vernietiging van stukke/dokumentasie. Die **Bylaag** bevat 'n lys van die wetlike voorskrifte vir die tydperk van bewaring en die prosedure vir vernietiging van sekere rekords. Dit geld vir papier sowel as elektroniese rekords.
- Instansies wat **uitstallings tydens die AKV** wil opstel, kan **dr Wouter van Wyk** voor die **einde van Julie 2022** kontak by wouter@nhk.co.za. Kerkverwante uitstallers kan dit gratis doen, terwyl die koste vir kommersiële uitstallers R1 000 beloop vir die duur van die AKV (van 2 tot 6 Oktober 2022).

Studeer Teologie in 2023

Matrikulante en enige ander belangstellendes wat graag predikante in die Hervormde Kerk wil word en in 2023 Teologie wil studeer, is welkom om nou aansoek te doen om as student van die Kerk te studeer.

Die evaluasiegesprekke sal in die laaste week van Julie 2022 plaasvind. Aansoeke moet die Kuratorium asseblief nie later nie as 22 Julie 2022 bereik.

Kry aansoekvorms by die voorsitter van die Kuratorium dr Rudy Denton (rudydenton@outlook.com) en mev Clarika Hattingh (clarikah@nhk.co.za).

NHKA
NEDERDUITSCH HERVORMDE KERK VAN AFRIKA



- **Gemeente Stellenbosch** vier vanjaar hul **50ste bestaansjaar** en nooi al die vorige predikante, oudlidmate en ander belangstellendes na die **Feedsiens op Sondag 24 Julie** om 11:00. U is ook welkom om **Saterdag 23 Julie** by hul **Potjiekosdag** op 'n nabygeleë wynplaas te kom saamkuier. Navrae kan gerig word aan dr Chris le Roux by cleroux@mweb.co.za.
- **VAKANTE WERKRUIMTE: Gemeentes Goudveld, Odendaalsrus en Kroonstad.** Kom leef jou roeping uit as predikant in die Vrystaatse Goudvelde. **Gemeente Goudveld**, gesetel in Welkom, is vakant. Die kerkraad was in 'n bestaande ooreenkoms met **Gemeente Kroonstad**. Deur sy voelers wyer te strek, het **Gemeente Odendaalsrus** ook besluit om deel te word van die pakt. So het daar 'n drieledige ooreenkoms tot stand gekom. (Dit mag wees dat ander gemeentes binne die Vrystaatse Goudvelde later deel kan word van hierdie pakt.) Die ooreenkoms stel die kerkraad van die NHKA se Gemeente Goudveld in staat om 'n **volydse leraar** te beroep.

Belangstellende geordende en/of gelegitimeerde predikante vir wie die etos van die NHKA belangrik is en wat kerkordelik in dié Kerk predikant kan en mag wees, word uitgenooi om hulself as geroepenes beskikbaar te maak vir hierdie bedieningsruimte. Kontak hiervoor asseblief die voorsitter van die Beroepskommissie (Lydia) of die sekretariële beampte (Daniël) **voor of op 30 Julie 2022**. Met die oog op die samestelling van 'n groslys, mag dit moontlik wees dat belangstellendes uitgenooi kan word tot 'n gesprek en/of vir die lei van 'n erediens. Die kerkraad behou hom die reg voor om nie verplig te wees om enige van die belangstellendes te beroep nie. Alle belangstellendes sal in kennis gestel word van die uitkoms.

Voorsitter van Beroepskommissie

Lydia McIntyre 071 471 4514

Sekretariële Beampte

Daniël Pieterse 076 473 9045

Gemeentekantoor 071 647 6587

E-pos: welkomnedherv@gmail.com



Bybelse Dagboek / Almanak 2022
R200 (versending uitgesluit)

Kry belangrike inligting oor die Hervormde Kerk én 'n inspirerende Bybelse dagboek in een omslag

Beperkte oplaag – bestel by boekwinkel@nhk.co.za

Vergaderings

- Dinsdag 12 Julie: TOIBO Dagbestuur
- Donderdag 14 Julie: Rata Finkom

Kerklieke publikasies

- **Ds C Johann de Bruin**, kurator van die SP Engelbrecht-museum, kort die volgende Almanakke van die NHKA: 1907, 1908, 1909, 1910, 1911, 1914, 1921. Dalk kan iemand help? Kontak ds De Bruin by 082 733 3951 of cjdb@boomaap.co.za. Die Museum wil ook graag een van die eerste selfone bekom. Kan iemand dalk so 'n baksteengrootte selfoon vir hulle skenk?

- **Die Hervormer** wil graag 'n **foto-artikel** plaas oor gemeentes se hantering van die afgelope twee jaar se Covid-regulasies. Stuur foto's van eredienste waar lidmate met gesigmaskers aan die diens deelneem, saam buite die kerkgebou kuier, of ander byeenkomste soos vergaderings en roudienste bywoon, asook foto's van predikante wat opnames maak. Kort vertellings is ook welkom. Stuur die foto's en tekste asseblief aan mev Tessa Oppermann by produksie@nhk.co.za.

Studentesake

- **Studentebehuising vir 2022. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.
- **Studentebehuising vir 2022. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoningstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.

Toerusting

- Die **Sentrum vir Gemeentelike Bediening (SGB)** bied die **IMG-kursus** (Inleiding tot Missionale Gemeentewees) gratis oor 'n periode van ses weke aan. Dit sal via Zoom plaasvind, daaglik van 09:00 tot 11:00, en wel op die volgende datums:
 - Die herontdekking van God se missie: 28 Julie
 - Die herontdekking van missionaliteit in 'n veranderende wêreld: 4 Augustus
 - Die herontdekking van die missionale aard van die gemeente: 11 Augustus
 - Die herontdekking van dissipelskap: 18 Augustus
 - Die herontdekking van missionale spiritualiteit: 25 Augustus
 - Die herontdekking van missionale luister in die gemeenskap: 1 September

Join Zoom Meeting

<https://us02web.zoom.us/j/9427689935?pwd=d3d3K1N1cDU0a1pIZCtjSS9ZSFY4dz09>

Meeting ID: 942 768 9935

Passcode: SGB

Navrae: Dr Frikkie Labuschagne by karen@nhk.co.za.

Fondsinsamelings

- **Oornagfasiliteite: Seniordal.** Seniordal beskik oor oornagfasiliteite wat ideaal is vir persone wat vergaderings, die AKV of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekuriteit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.
- Rata **DRIVE for a CHILD Gholfdag-kompetisie.** Ondersteun kinderbeskerming en staan 'n kans om 'n **VIERBAL ter waarde van R4 600** te wen by Rata se Gholfdag op 23 Augustus. Vierbal, twee gholfkarretjies, middagete en aandete by die prysuitdeling ingesluit. **Inskrywingsfooi slegs R100.** Stuur asseblief bewys van elektroniese betaling aan fin@rata.org.za. Kontak Annelle by 064 437 5997 vir meer inligting.

Bankbesonderhede

Rata

Absa tjekrekening 020 600 209

Takkode 632 005

- **Rata se Gholfdag ten bate van Kinderbeskerming.** Rata Maatskaplike Dienste se jaarlikse Gholfdag vind vanjaar op **23 Augustus by Silver Lakes Golf & Wildlife Estate** plaas – dit is hul agtste Gholfdag. Rata vra vir ondersteuning in die vorm van vierbalinskrywings, borgskappe en pryse. Inskrywingsvorme, borgskapvorme en meer inligting kan aangevra word van Annelie by info@rata.org.za of 064 437 5997.

'n Gedig

Martha

my ma se naam is Martha as
 iemand my eendag vra hoe baie ek
 haar liefhet sal ek net sê dat toe
 ek vier jaar oud was het ek saam
 met haar in die donker trug huis toe
 gestap van 'n biduur af waar my
 pa gewag het om haar te slaan
 sodra sy instap my ma het altyd
 vinnig gestap huis toe na haar
 ander kinders en man toe
 ek moes sukkel om by te bly
 toe skielik toe begin ek te huil

alleen in die donker omdat al my
 liefde vir haar niks beteken nie

Ronelda S Kamfer

(Uit: *grond/Santekraam*, 2011)

Barmhartigheid

- **VAKATURE: Pleegouers vir DPS-huis Ninapark**

Aanstellingsdatum: 1 Januarie 2023

Sluitingsdatum vir aansoeke: 31 Julie 2022

Huisouers vir 6 seuns wat deur die Kinderhof geplaas is

Verantwoordelik vir hul fisiese, emosionele en skoolstiese hantering

Saam met multidissiplinêre span, insluitende maatskaplike werkers

Wie kan aansoek doen? Persone tussen ouderdomme van 30 en 55 jaar; verkieslik 'n getroude egpaar; persone van ander kerkgroepe met dieselfde Christelike grondslag as die NHKA kan aansoek doen; moet vir tydperk van aanstelling wel inskakel by die betrokke NHKA-gemeente; moet bereid wees om psigometriese toetse te ondergaan.

Pakket: Benewens 'n maandelikse kontantvergoeding, word gratis inwoning in die DPS-huis ook ingesluit.

Kwalifikasies: Met aanstelling sal persone opleiding ontvang in Ontwikkelingstrauma.

Indien u belangstel, kontak die volgende:

Mnr Otto Viljoen: 079 495 2007 / 060 968 4907 / kinderhuise@nhk.co.za

Mev Suzanne van Deventer: 066 477 8904 / suzanne@rata.org.za

Mev Kotie van Niekerk: 060 968 4906 / kotie@rata.org.za

Webtuiste: <https://pleegsorg.org.za/>

Facebook: DPS Huise


- **Athalia Uitrek in Bloemfontein**

Verblyf vir en versorging van bejaardes en gestremdes

Enkel- en deeltkamergeriewe in 'n huislike atmosfeer

Verblyf met 3 etes ingesluit
Verblyf sonder versorging R1 700 per maand
24-uur-versorging onderhandelbaar
(maksimum R8 000 per maand deelkamer)
Navrae: 079 826 6363 / 084 023 0315 / 051 522 6089
navrae@athalia.co.za
www.athalia.co.za

- **Machteld Postmus-behuisingskompleks vir bejaardes** in Brooklyn, Pretoria, het 'n tweeslaapkamer-woonregeenheid beskikbaar by Frans Boshoff: Dit is Woonstel 13 teen R465 400. Kontak mev Hannelie Fourie by 012 325 1857 x216 vir meer inligting.
- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord**
Seniordal is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
Enkelwoonstel (*Bachelor*): R510 000
Eenslaapkamer: R515 000
1½-slaapkamer: R520 000
Tweeslaapkamer: R560 000
Navrae: Salomie Stolz 012 329 4318 / 083 308 0520



Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir vandag

Hemelse Vader,
dankie vir hierdie dag.
Dankie vir u oorvloedige genade en liefde in my lewe.
Help my om u liefde ook aan ander uit te dra.
Ek wil graag die gawe besit om ander te laat glimlag,
om ander gelukkig te maak.
Ek wil graag daartoe bydra dat iemand se lewe beter word.
Vul my met liefde vir my naaste,
sodat ek al hierdie dinge vir hulle kan doen.
Vul my hart met blydschap,
en help my om dié vreugde ook aan die mense om my uit te dra.
Help my om 'n seën te wees vir ander.
Dankie, Heer, dat U my gebed aanhoor.
Ek bid dit alles in Jesus se Naam.
Amen.

thegracefulchapter.com

(Afrikaanse verwerking: Tessa Oppermann)